

SIMONIS PISTORII
OPPOLIENSIS SILESII,

Epigrammatum
Oeternio decimusseptimus,

Magnifico ac Generoso Viro
D. CHRISTOPHORO
à Szumki
WISZOWATIO,

Domino & fautori suo colendo,
dedicatus.

Ad Lectorem.
Editus est à me fors ultimus iste libellus,
Hunc quoque, si meruit, Lector amande, lege.



Nobili stemmate claro, & pietate insigni Viro,
D. CHRISTOPHORO
WISZOWATIO

S. P.

OCTERNIONE isto, quem sub tuo nomine Magnifice Dn. typis divulgare volui, omnibus testatum facere cupio, ad quoscunque ille pervenerit, quàm pro tua fama & gloria ad plurimos promulganda, augendaq; ac conservanda, ingenii mei vires libentissimè contribuere vellem, modò essent ejusmodi, ut in hoc genere aliquid præstare possent. Dignus enim es, ut pro tua singulari, quâ polles erga omnes, inprimis autem domesticos fidei, humanitate unicè & ameris & celebreris ab omnibus, & maxime ab iis, qui te norunt, & beneficentiam tuam experti sunt. Accipe igitur nunc à me hoc quicquid est muneris chartacei, eo oculo, quo me ipsum ad te adventantem excipere soles, ac me tui observantem amare nunquam desine.

S. P. O.

Ad Nobilem & Generosum Virum
D. CHRISTOPHORVM WISZOVATIVM.

Precipuos inter minimè postreme Scholarcha,
CHRISTOPHORE, aonii portio digna Chori,
Ad varios conscripta Viros Epigrammata
Mens est Patrono nostra dicare tibi. (nuper,
Testatum ut faciam, quàm sit meus igneus in te,
Promptus ad obsequium, quo retinetur, amor.
Accipe non aliâ, quàm quâ tibi fronte dicantur,
Cumq; ipso Authorem Carmine semper ama.

Incomparabilis Viri D. Fausti Socini anagramma.
FAVSTVS SOCINVS SENENSIS.
ô sis unus fastus nesciens!

Omen habet nomen, docet hoc Anagramma SOCINI;
Conveniunt rebus nomina sæpè suis.
Hunc fata a pueris designa visse videntur
Ad tantum quod Vir postea gessit onus.
Nescius ut fastus esset de pluribus unus,
Neglectâ generis Nobilitate sui,
Qui se Evangelio totum sacrisq; dicaret,
Et verâ imbueret cognitione Dei.
Is verò tantum studio profecit in isto,
Haut adeò longo tempore, dante Deo,
Ut sic Theologos, arcanorumq; peritos
Emineat, ceu sol eminet astra nitens.
Quoscunq; errores invexit prisca vetustas,
Illos iudicio sustulit ille gravi.
Quicquid salvifici Veri sacra pagina CHRISTI
Continet, è tenebris protulit ille palàm.

Ostendit credenda, simul facienda, deinde
 Plurima, Mortales quæ latuere prius.
 Istis instructus, Patriaq; bonisq; relictis,
 Multa salutavit Regna, gravesq; Viros.
 Cum quibus & Scriptis & verbis multa locutus
 De verâ CHRISTI cognitione fuit.
 Donec in has venit partes; ubi repperit ille
 Multa salutiferam corda professâ fidem.
 A nebulis ubi Relligio purgata vigeat
 Ex parte, pietas non simulata fuit.
 Hinc sibi delegit sedem; mala plurima passus,
 Hâc egit reliquos in Regione dies.
 Nec veniens isthuc trivit sua tempora frustra,
 Aut inter fratres desidiosus erat.
 Verum operâ multum posuit, multum ille laboris
 In depuranda Relligione Dei.
 Noverat Ausonium, noratq; idioma Pelasgum,
 Hebrææ lingvæ gnarus & ille fuit.
 Hinc potuit CHRISTI dictorum exponere mentem,
 Et potuit Verbi sensa videre Dei.
 Primus monstravit verâ argumenta Salutis,
 Et docuit vitæ quale perennis iter.
 Multaq; Scripturæ vidit mysteria sacræ,
 Complexus Libris quæ fuit ille suis.
 Et licet his fuerat donis illustris & ortu,
 Omnis at ipse expers ambitionis erat.
 In Cætu CHRISTI, quem spernit Mundus & odit,
 In vero ad summum vixit amore diem.
 Multa reliquit humile & dignissima Scripta,
 Ejus in Astra abiit Spiritus, unde fuit.

Epigrammatum.

Ad Magnificum & Generosum Virum D. ANDREAM
a Moscorovv MOSCOROVIVM.

O quem te memorem, rare Virtutis honore,
Et rare insignem nobilitate Virum!

Artibus ingenuis, ANDREA, exculte, diserto
Eloquii manas cujus ab ore lepos.

Tu care gratus Patriæ sua præmia reddis,
Illius fluxis invigilando bonis.

Consiliis ades huic, & promptæ munere lingvæ,
Quando consiliis indiget illa tuis.

Tu sanctæ reddis CHRISTI sua præmia Sponsæ,
Illius veris invigilando bonis.

Auxiliis ades huic, & largæ munere lingvæ,
Si quando auxiliis indiget illa tuis.

Tu fidei operam præstas, & servis Amicis,
Quosq; tibi fidei fœdere junxit amor.

Et mihi tam facilem, Patrone, ac post mea fata
Te rebus præbe, pignoribusq; meis.

Anagramma nominis ejusdem.

ANDREAS MOSCOROVIVS.

O Musa, decorans Viros!

Digna coli a cunctis, ô Musa, & semper amari,
A qua donorum profluit omne decus!

Tu miseros opibus, viles & honoribus auges,
Tu laudem pulchræ nobilitatis alio.

Tu memorem extendis per plurima secula famam,
Tu prohibes unquam nomina clara mori.

Deniq; digna tui studiosis præmia præstas,
Innumerâ decorans commoditate Viros.

Liber

Ad Mag. & Generosum Virum D. CHRISTOPHORUM
MORSTINIUM.

CHRISTOPHORE, aeternæ CHRISTI dignissime Legis
Cultor, Christiadum normaq; pulchra Chori.
Qui Mundo valedicto, ejusq; cupidine spretâ,
Verâ illustratus cognitione Dei,
Postquam sponte manum CHRISTOq; Gregiq; dedisti,
Iam velle in sancta te pietate mori;
Semper eras viridi virtutis amator ab ævo,
Ad seros, quos nunc exigis usq; dies.
Nemo ad danda Deo fuerat præconia laudum,
Ad captanda Dei dogmata nemo prior.
In stipe spargenda te nemo largior ipso,
In cunctos tantus candor, amorq; tuus.
Imprimis fratrum te nullus amantior alter,
Pro quorum haut renuis nempè salute mori.
Ac quam sustuleras, bina de conjugē, prolem,
Quæ non est sortis pauca utriusq; tibi;
Pervigili studio, magnis & sumptibus illam,
Cura tibi a teneris erudiisse fuit.
Hinc exulta nitet pietate, hinc omnis ad unam
Et Veri, & summi fervet amore Dei.
Vive ferax Soboles, magnum Laris incrementum,
Ad CHRISTI, ad Patriæ, seminis atq; decus.
Et tu magne Pater, tantæq; propaginis author,
Abs socia vitam qui modò solus agis,
Liber ab ærumnis, & morbo liber ab omni,
Innumeros felix continuato dies.
Hoc senium virax, hac sit tibi cruda senectus,
Ut numeres Pylîi secula longa Ducis.

Epigrammatum.

Anagramma ejusdem.

CHRISTOPHORUS MORSTEEINNIUS

Servus CHRISTI, mori non potes.

addito H.

Stat sua cuiq; dies moriendi, ignota sed illa est
Omnibus; intereunt tempore cuncta suo.
Differitas tamen est mortalia pectora circa,
Post fata haut omnes fors manet una Viros.
Non mors, jucundus verum sopor occupat illos,
Quos hic cum CHSISTO copulat arcta fides.
At hos dira manent aeternae funera noctis,
Qui CHRISTO veram non habuere fidem.
Te manet alma quies, MORSTINI, funere raptum,
In CHRISTUM cujus non dubitata fides.
Ipsus ad aeternae revocandum munera vitae
Cum veniet fato corpora functa suo;
Te quoq; ad aeternae revocabit lumina vitae,
Et trahet ad Regni gaudia vera sui.
Sola salus CHRISTO servire: hoc ducit ad Astra;
Hoc extra cunctos devius error agit.
Qui servus CHRISTIES, CHRISTI mandataq; servas,
Post mortem aeternam morte perire nequis.

Ad Nobilem & Reverendum Virum D. IONAM
SZLICHTINGIUM.

Scripta refutando Meisneri grande petentia
Totius nostrae Religionis Opus,
Rem facis egregiam, IONA; nam totius ejus
Tu potius jugulum dogmatis ipse petis.
Magna est vis Veri, documentaq; calica CHRISTI
Ardua Religio, quam profitemur, habet.

*Arjetibus nullis, nulla de sede moveri
 Illa Sophistarum fraude, vel arte, potest.
 Qui legis hac, causam Lector discerne perite,
 Palmaq; cui merito sit tribuenda vide.*

Ad Mag. & Gen. D. STEPHANUM WOINAROVIVM
 a Woinarovv.

*REx inter fratres, tadas exose jugales,
 Tu qui Latona castra pudica colis,
 Cum sis a nobis toto, STEPHANE, orbe remotus,
 Nec procul a Scythico vivis, amice, solo.
 Iam dudum mihi vise, tui memor esne simonis,
 Inscriptum qui te pectore semper habet?
 Sic reor, unius fidei quos copulat ardor,
 Immemorem fratris non sinit esse sui.
 Nulla capedo loci, nec, si post funera sensus,
 Coniunctos animos mors separare potest,
 Corpore disjuncti, fidei sed glutine juncti,
 Vni fidamus semper ubiq; Deo.
 Ut nos a nobis hic dividat ultimus Orbis,
 Nos nunquam a nobis dividat acer amor.*

Ad Nobilem Virum D. IOHANNEM STOINIUM,
 iter in Wolhiniam adornantem.

*IANE, Deo comitante, revise Wolhinia rura,
 Et refice adventu plurima corda tuo.
 Est tibi CHRISTOPHORUS, PETRUSq; Stoinius ambo
 Rarus amorq; tuus, delitiumq; tuum.
 Sunt REINOVITI fratres, tua cura, Ministri,
 Et TWARDOSCHLEBUS vir pietate gravis.*

Epigrammatum.

Est NEMERICZ, sunt Czaplicii, Sieniuta, Patroni,
Et multi insignes nobilitate Viri.

Deniq; fidentum CHRISTO, tibi nota, STOINI,
Cetera multa virum non numeranda seges.

Isthaec turba hominum dudum desiderat omnis,
Eloquioq; tuo, colloquioq; frui.

O adsit tibi Nestoreæ facundia lingvæ,
Et fluat Hyblaegratia ab ore tuo.

Instrue, IANE, rudes, sacris magis excole doctos
Kebus, & infirmos constabilire stude.

Non secus ac quondam doctâ Rhodopejus Orpheus
Ad se pertraxit saxa, ferasq; lyrâ;

Sic quoq; tu veniens mortalia dura STOINI

Ad CHRISTUM eloquii pectora melle trabe.

Anagramma nominis ejus.

IOHANNES STOINIUS Pastor Cœtus Dei.

Stoin Sione, ovi par, ius docens, state.

IN sancta fides CHRISTISTO, Præco Sione,

Ius voce elatâ verbaq; sancta docens.

State Viri, nec vos clamor deterreat oris,

Clamor inest ori, spiritus intus ovi.

Instar IOVA iube me crimina prodere vestra,

Iusq; suum grandi voce tonare jubet.

O tales comes iuris Verbiq; peritos

Præcones Populo suffice, CHRISTE, tuo!

Ad Generosum Virum D. CHRISTOPHORUM

WISZOVATIUM.

Vera tui Soboles, ipsissima Patris imago,

Laudes cujus adhuc nomen, honosq; manent,

Te Virtutis amor stimulat, tibi gloria CHRISTI
 Cure, CHRISTOPHORE, est, & veneranda salus.
 Huic studio incumbens, istis juvenilibus annis,
 Nulli operæ, nulli parcis, amice, rei.
 Talis in incepto si perstas sedulus isto,
 Nec pius ad summum desinis esse diem;
 Te manet hic recti mens conscia, certa futuri
 Spes immortalis perpetuq; boni.
 Postea cum postrema dies illuxerit Orbi,
 In CHRISTI capies gaudia summa sinu.

Ad Nobilem ac Reverendum Virum D. CHRISTO-
 PHORUM LUBIENECIUM.

IN Patre & Patruis zelosus qui fuit ante
 CHRISTOPHORE, est in te spiritus ille Dei.
 Nam sive e Cathedra proponis dogmata CHRISTI,
 Igneus es totus, flammea lingua tua est.
 Seu de divinis cum se vis hostibus unquam
 Disseris, apparet spiritus ille tuus.
 Seu tibi iudicium de rebus fortè ferendum est,
 Promptus consilio es, promptus & eloquio,
 Si nobis plures Ecclesia nostra tulisset
 Tales Præcones, eximiosq; viros;
 Plures ad nostras venissent candide partes
 CHRISTOPHORE, & fratrum maximus ordo foret.
 Zelo conspicuos, & sacro flamine plenos
 Pastores Populo suffice, CHRISTE, tuo.
 Ut multi e tenebris ad Cætus limina pergant,
 Lucem Evangelii conspiciantq; tui.

Ad D. IOHANNEM STOINIUM.

Epigrammatum.

ADVERSUS CHRISTI conspirant cuncta fideles,
In nostram vergunt omnia, IANE, necem.
Hostes tot coeunt, quot sunt in vertice crines,
Aut quot somniferum grana papaver habet.
Omnes consilio, metuendi viribus omnes,
Consimiles studiis; moribus, arte, pares.
Quò se vertendum tanto in discrimine censes,
Aut quid agendum aliud, IANE diserte, putas?
Fidendum CHRISTO, votis, precibusq; vacandum,
Ac peragenda sacri Muneris officia.
Sic horum in fumos omnis conatus abibit,
Et feriet nostrum nulla ruina caput
Non, si illabatur perfracto cardine Cælum,
Terreat hos, CHRISTI quos pius ardor agit.

Ad Virum opt. & Symmistam suum Cariss. D. PAULUM REINOVICIUM.

Nullos esse Deos, affirmat inania quidam
Astra, & se faustum, dùm negat ista, probat.
Namq; metu liber, committit fanda nefanda,
Laxando vitiis libera fræna suis.
At cùm justa Dei penas vindicta reposcet,
Et premet invisum digna procella caput,
Quò se vertendum talem, tu PAULE, putabis?
Ad quem compulsus vota, precesq; feret?
Qui negat esse Deum demens, & crimina patrat,
Ultorem infelix sentiet ille Deum!

Viro Nobili D. THOMÆ PISECIO, Affini suo, in
librum de origine Trinitatis.

Liber

Quæ tot de Triadis moliris origine ab annis,
Cur sinis, Affinis, Scripta latere domi?
Iam tandem lucem videant, sitibundus ut illa
Aspiciat Lector, nec sine fruge legat.
Erroris tanti, qui totum fascinat Orbem,
A multoq; ævo cujus origo venit.
Et caput, & fibras omnes præcide, Piseci,
Vni quò constet gloria vera Deo.

Adeundem gravi morbo conflitantem,
ME tua sollicitum reddit valetudo, PISECI,
Quæ caput & sensus concutit ægra tuos.
Hinc simul ad vitæ te munia reddit ineptum,
Nec te Scriptorem tam finit esse bonum.
Et nisi quàmprimùm morbo releveris ab isto,
Ante heu! fatalem tu moriêre diem.
Cui tua, **CHRISTE**, tuiq; Patris cui gloria curæ,
Atq; hominum curæ est cui veneranda salus,
Ægro pelle tui morbum de corpore Servi,
Compleat ut vitæ tempora longa sua.

Viro Nobili & Theologo Insigni, **IONÆ SZLICH-**
TINGIO.

Astra, Deumq; tuo qui concipis, optime **IONA**,
Pectore, quàm felix est tua conditio!
Nam vel sacra legis, facundæ munere lingvæ
Sparsurus summi dogmata pura Dei.
Vel tectâ explanas sancti mysteria Verbi,
Quæ legat ignarus, doctior & redeat.
Vel precibus, castisq; vocas pia Numina votis,
Propitia ut semper sint tibi, sintq; Gregi.

Vel

Epigrammatum.

Vel res decidis dubias, & tetrica prudens
Conciliat fratrum pectora, pacis amans.
Vel Cetus alios, quorum tibi tradita cura,
Adventu reficis, latificasq; tuo.
Deniq; quicquid agis, sacrum est hoc omne, piumq;
Divinum spirant cuncta Ministerium.
Astra, Deumq; tuo qui concipis, optime IONA,
Pectore, quàm felix est tua conditio!

Reverendo Viro, D. IOHANNI MOSCHOVIO,
Pannonio, Robcovienſi Miniſtro, cùm in Patria
veritatis cauſa in carcerem coniectus eſſet.

Quando reviſurus patriam, carosq; propinquos,
Dulcia ſecurus Pannoni arva petiſſi,
Atque ibi dum conſers de religionis rogatus
Et donas notiſſima ſcripta legenda tui.
In quibus eſt vera ratio comprehenſa ſaluti,
Per CHRISTUM nobis que paſceſſa ſuit.
Eheu! a retrò ſed poſtea tempore longo
Hæc hominum vitio jam cooperta ſuit.
Hic circumventus notorum fraude, tuarum
lacturam rerum, IANE, repente ſaci.
Ipſeq; comprehenſus perversi more latroni,
Vinclis injectis compedibusq; datis,
Duceri ad mœſtas per vicos carceris ades,
Vinctus ubi ad palum ſomnia pauca capi.
Poſt ad conſilium ductus, curante Dynaſtâ,
Plurima perpeſſus dum graviora fores,
Nullius erroris convictus, rursus eundem
Carcerem ad fœdi tu revocare ſtatim.

Donec

Liber

Donec qui missi fuerant ex agmine cætus,
Hinc te præsidium aſſeruere ſui.
Hæc Evangelii ſors eſt, hæc præmia veri:
Exilium, carcer, vincula, probra, cruceſ.
Omnia cùm liceant, non eſt ea dicere tutum,
Quæ ſunt in verbi codice ſcripta Dei.
Te verò eratam qui pro pietate tuliſti,
Aurea poſt mortem, IANE, catena manet.

Generoſo Viro D. CHRISTOPHORO

WISZOVVATIO.

Tanta tua eſt bonitas, bona WISZOVVATIO proleſ,
CHRISTOPHORE, & recti tanta cupido tibi.

Multi conveniunt ad te, qui rebus in arctis
Optatum auxilium, conſiliumvè petunt.
Omnibꝯ eſ facilis, cunctis tu rebus in arctis
Promptuſ eſ auxilium, conſiliumvè dare.
Sint licet ingrati quidam, immemoreſq; bonorum,
Tu tamen haud unquam deſiniſſe bonuſ.
Tum nulli ad placitum quicquam diſcediſ ab æquo,
Ante tuos oculos eſt tibi ſancta Themù.
Ardua reſ hæc eſt, mutati moribus Orbù,
Non mutare ſuoſ, ſed retinere, bonoſ.

Ad Magnif. Virum D. ANDREAM MOSCOROVII-
IUM, cùm ex Comitibꝯ expectaretur.

Si deſiderium fratrum, ſi vota tuorum
Reſpicis, ô CHRISTI gloria magna Gregi!
De tanto, ANDREA, Conventu reddere nobiſ,
Inq; domum celebri ſalvuſ ab Vrbe redi.
Scire animuſ geſſit, quinam molimini huiꝯ
Exituſ, & quæ noſ fata futura manent.

Des

Epigrammatum.

*Det Deus, hac in nos post tanta minacia verba,
Et post magnatum fulmina tanta virum.
Sic ad nos redeat pax præstantissima rerum,
Ut sol depulsa nube redire solet.*

Ad D. IOHANNEM STOINIUM.

*E*Loquii cum sis tibi copia tanta, STOINI,
Eloquio pietas nec minor ipsa tuo.
Quod te cunque vocant, & ubi tibi contigit esse,
Hoc utroque modo, nam potes, adifica.
Felix utroque es, non contigit omnibus istud;
Raro est eloquium cum pietate simul.

Ad THOMAM PISECIUM, cum ex morbo
convalesceret.

*S*æpius ex imo pro te suspiria duxi
Pectore, cum fractis viribus eger eras.
Ista bonum tetigere Deum suspiria, THOMA,
En nobis firmo corpore salvus ades.
Exsilio, & posito capio nova gaudia luctu,
Ac tam propitio de bona verba Deo.
Tu quoque qui pulso tanto languore, PISECI,
Es factus rursus sanus, ut ante bene;
Redde Deo grates, & quos à pluribus annis
Scripsisti libros, continuare stude.
Assere divinam laudem, quam Deum ab ipsis
Principium ausus contaminare fuit.

Magnifico & Generoso Viro D. IOHANNI à MO-
SCOROVV MOSCOROVIO.

*E*cquando nostras optate redibis in oras,
Clarum militia, LANE, rogaq; decus

Tempus

Liber

Tempus erat jam te patris succedere rebus,
Es colere heredi dulcia rura soli.

Tempus erat sctas agri decerpere menses,
Horrea proventu plena sovere suo.

Tempus erat gratas cum virgine jungere dextras,
Quæ tibi legitimi sœdere iuncta chori.

Denique tempus erat mundo studiūq; relictū
Illius (hū tantum te tribuisse satū)

Cultus ubi pius est, ubi sunt commercia fratrum;
Ad patri æterni tecta redire tui.

Rumpe moras igitur reditum nec differ in annos,
Si tibi, IANE, Dei, si tibi cura tui.

Nobilibus Viris, DD. STOINIIS, CHRISTO-
PHORO & PETRO, fratribus germanis.

CHRISTOPHORE, eximio PETRO cum fratre, STOINI,
Quos mihi conjunxit Munus, & una Fides.

Este mei memores, arceat quem corpore tantum,
Non animo, à vobis tanta capedo loci.

Et quod jamdudum peto, Mecenate favente,
Inter vos nobis queso parare locum.

Nescio quod fatum propius conjungere vobis
Suadet, & in vestrum nos habitare focū.

Inveniet fortasse viam, CHRISTUS QUÆ vocatur
Prospiciet nobis de meliore statu.

In quo non solum fructus, alimenta q; digna,
Verum lignorum sit quoque multa strues.

Nam natura suo jam deficiente calore,
Quam dapibus multū indiges igne magis.

In cœtu ô fas sit, sub Mecenate amanti
Summa patrocinio claudere fata mihi.

Ad

Epigrammatum.

Ad Nobilem & reverendum Virum D. CHRISTO-
PHORUM RUDNICIUM Ministrum.

IN nos RUDNICI, conspiravêre tot hostes,
Quorum vix numerum sortè referre queas.

Vnum cor nobis, una illū cura nocendi,

Immo tollendi mens erat è medio.

Tanto conatu, tanto molimine capta,

Ducere ad umbilicum concupiêre suum.

Spes eradendi non esset ut ulla, sed esset

Inter contribules magnus ubique metus.

Sed cui nostra salus, & cui sua gloria cura,

CHRISTUS, amans populi Rexq; caputq; sui,

Non ex difficili secit conamina tanta

Irrita: pax mansit, sicut & antè fuit.

Qui nos è tanto solvit discrimine, CHRISTO

Gloria, RUDNICI, persolvenda venit.

Postea quicquid erit, totus ruat orbū & orcus,

Est illi cuncto tempore danda fides.

Ad Nobilem & pietate, doctrinaq; præstantissimum
Iuvenem, ANDREAM WISZOVVATIUM
SS. Theologiæ studiosum.

ANDREA, non est opera scopus omnibus idem,
Qui Musas curâ servidiore colunt.

Sunt qui venantur riuolos, & nomina clara,

Laudibus efferrī qui super astra volunt.

Sunt qui divites capiant, & munera Cresi,

Quæ malefida cohors nocte dieq; petit.

Liber

Sunt qui primatu, praefecturūq; potiri
Quiq; à consiliis regibus esse student.
Non idem cunctū animus, non una voluntas,
Ad sua quemque ardens vota libido trahit.
Quàm sapi, A N D R E A! studiorum sola tuorum,
Cui Deus, & vere meta salutis opus.
Qui tot sudores, tot curas, totq; labores,
Pieridum sacris invigilando choris,
Confers ad summum divina laudis honorem,
Ad regni augmentum spirituale Dei.
Scandere quàm nitido sublime cacumen in orbe
Mavū dogma pius Praeco sonare Dei.
Cautus es A N D R E A! bona namq; fugacia captans,
Et parvo reliqui scilicet ere merent.
Tu capies huius pietatis premia cælum,
Æternū in C H R I S T I sede beatus eris.

D. A D A M O M A L E S I O, Concionatori Tarno-
montano Amico suo.

I N re tam magna, tanta est insania Mundi,
Vult dilecte suo decipi, A D A M E, malo.
Publica deseritur via, quam commonstrat I E S U S,
Quam sacra calcando venit ad astra prior.
Munde pedem revoca! hac iter est, precedat I E S U S,
Hunc sequere, hac solâ hinc itur ad astra viâ.
Peccatū valedic; virtutum sedulus esto
Cultor, ad extreme funera dira necū.
Hanc quia tu monstras, voce & paradiamate vitæ,
Te manet in summo gratia, A D A M E, Polo.

Epigrammatum.

Ad quendam, cùm in numerum Ecclesiæ
reciperetur.

Ta, cui notitiam licuit contingere Veri,
Inq̃ sacra CHRISTI contigit esse Domos
Vive Deo, sanctè totū utare diebus,
Corde Dei memori verba sacra notans.
Felix qui vigilat, votū Dominūq̃ fatigat,
Extremum reputans semper adesse diem!

Pietate & eruditione prædito Virō,
D. STEPHANO TOLDI.

Quam felix STEPHANE, es, nobis manifesta dedisti
Invictæ fidei qui documenta tuæ.
Non secus ac aurum spectatur in ignibus, artū
Rebus spectata est & tua viva fides.
Nec valida pedicæ, nec ferrea nexa catena,
Arcere à vera te posuere fide.
In fundum dejectus eras, fossamq̃ profundam;
Vnde tuæ vires, & violata salus.
Fluxa salus violata tua est, sed restat olympo
Promissa à CHRISTO non peritura salus.
Nomine pro CHRISTI vitam qui perdis, eandem
Inveniet summo proveniente die.
Res est magna, cui donatum est fidere CHRISTO,
Major pro CHRISTI nomine cuncta pati!

Ad Reverendum & vera pietate præditum Virum
D. MICHAELEM GITTICHIIUM VENETIA-
NUM, symmistam carissimum.

Quod toties hostes, & quod conamine tanto
In nostrum insurgas, ô MICHAËLE, Gregem.

Non est de nihilo; vix sunt suscepta futura
 Hec vana; infaustum forsitan omen habent.
 Quàm metuo, CHRISTO ne permittente (quod absit)
 Nos patrio pellant, ejicientq; solo.
 Quàm metuo, ne jam regni haec occidat istū
 Lux Evangelii, quæ patefacta fuit.
 Causa, quod illius (quod scū) memorabilū olim
 Sistitur heu! cursus, regrediturq; ferē.
 Nemo externorum vel rarus in atria Templi,
 Auribus hausturus dogmata sancta venit.
 Nemo legit, vel sacrarum mysteria rerum
 Nosse cupit, deses cuncta veterius habet.
 Immo ad divinam claudunt sua lumina lucem;
 Obdurant animos ad sacra dicta suos.
 Nos quoque quid prodest totū audire diebus
 Ex adytū summi verba profecta Dei.
 Si dignam CHRISTO vitam non degimus, & si
 Non magis inter nos mutui ardet amor.
 Si quoque de tanto fervore remisimus omnes,
 Qui prius in sancta religione fuit.
 Si tantus luxus, si tanta licentia morum
 In CHRISTI apparet, conspiciturq; Dome.
 Si nostram instruimus, carissima pignora, prolem
 Ad Martū potius quàm pietatis opus.
 Si missam impuri varia ad servitia mundi
 Perdimus, & Sathane mancipium facimus.
 Et quū tot vitia enumeret, quū denique nostrū
 Scandala comprehendat lemmate cuncta brevis
 Ex hū premissis quū non concludere possit,
 Quem metuo eventum, VENETIANE, malum.

Epigrammatum.

Cui tua, CHRISTE potens, est summa Ecclesia cura,
 Quam fuso nactam sanguine semper amas,
 Imbue divino Praecones numine verbi,
 Hoc calefac cœtus frigida corda tui.
 Ad facienda tuus nos entheus excites ardor
 Munia, & ad laudum munera danda tibi.
 Ac, si vota aliquid possunt indigna, precamur,
 Inde movere tuum ne patiâre Gregem.

AUTHOR de suo matrimoniali & viduo statu.
 Contigerat conjux mihi prima PISECIA, honesto
 Nata loco, nomen cui CATHARINA suis.
 Octo ubi semineâ peperisset pignora sortis,
 In CZARNKOVV fato sancta, sepulta jacet.
 Altera digna, & mi successerat utilis uxor,
 Quæ vidua urbana conditioni erat,
 Tres, REGINA, mares, totidemq; enixa puellas,
 Funere sancta, ibidem contumulata cubat.
 Tertia nobilium sata stemmate, nomine dicta
 FAUSTA, sed infauisto sidere, nupta mihi est.
 Nam nondum ternos mecum compleverat annos,
 Dum cadit, atque illic flebili umbra jacet.
 Quod reliquum est vitæ (seu vi cum compare, seu vi
 Me Deus in viduo consenuisse thoro.)
 Ad nutus dispone tuos; contingat amanter
 Saltem inter fratres claudere sata meos.
 Et quoniam mihi tu tot pignora cara dedisti
 Solamen vitæ, delitiumq; meum;
 Quæ jam cuncta fide Domino sunt insita CHRISTO,
 Et vitæ integra quæ pia cura tenet;

Liber

Hac cura commendo tue, rege numine cuncta,
 (Seu mihi contingat vivere, sive minus.)
 CHRISTE, tuū Nate jam tres nupsere Ministrū,
 Quarta GORIS ZOI pharmacopola tibi.
 Maturaq; Virū, natarum ex ordine restant
 Quatuor, impubes filioliq; duo.
 (Tres etenim jam sunt supremo funere merse,
 Filiolusq; unus concidit ante diem.)
 Hū quoque de reliquū divinā prospice curā:
 Isti sint cætus organa digna tui.

Ad reverendum Virum D. IOHANNEM STOINI-
 UM, pro iterando conjugio suo.

VNā, IANE, parī cum conjugē ducere vitam
 Qui potuit, totos & tolerare dies,
 Hanc ego felices inter numerabo Maritos,
 Huic ego propitium suspicor esse Deum.
 Me verò infauftum, tædas iterare jugales,
 Consortem cogor querere quiq; novam.
 Quis scit an hac talis sit deinde futura fidelis,
 Desunctæ quales antè fuere mihi?
 Quis scit an hac morem mihi sit gestura, meosq;
 An sit amatura, & fida sit oeconomia?
 Sed quoniam rursus facere hoc me, IANE, necesse est;
 Hæc alea, ut perhibent, est jacienda mihi.
 Non quod me stimulet Veneriū vesana libido;
 Sit procul à nobis hic juveniliū amor.
 Cum qua consuevi sed quod sine compare, solum
 Me tædet reliquos continuare dies.
 Et quod si quando, certè mea serior atas,
 Sapius auxiliū indiget illa sui.

Succo-

Succed
 Æth
 Adde,
 Quo
 Quū m
 Aux
 Hæ mi
 Hæ
 Nec me
 Au
 Tu mo
 Et sc

Epigrammatum.

Succedent morbi, succedet cana senectus,
 Æthna quæ gravior dicitur esse iugo.
 Adde, quod incumbet res forstè domestica curæ,
 Quod vix sustineo munere deposito.
 Qui mihi ferret opem, tanto in molimine rerum,
 Auxiliatrices porrigeretq; manus?
 Hæ mihi sunt causæ repetendi sædera lecti,
 Hæ me compellunt ad sociale iugum.
 Nec metuo insausti consortia vincla cubili,
 Aut durum fore ius hoc geniale puto.
 Tu modò propitium mihi, I ANE, precare tonantem,
 Et sociam thalami tu mihi quære parem.



BIBLIOTH. UNIV.



JAGELLONICAE